

**Univerzitet u Tuzli  
Medicinski fakultet**

**DOKTORSKI STUDIJ „BIOMEDICINA I  
ZDRAVSTVO“  
(IZMJENE I DOPUNE STUDIJSKOG PROGRAMA)**

**Tuzla, maj 2017.**

U Studijskom programu „Doktorskog studija biomedicina i zdravstvo“ od 24. marta 2016. godine vrše se izmjene i dopune kako slijedi:

### **Član 1.**

Poglavlje 1.3. u Općem dijelu Studijskog programa mijenja se i izmijenjeno glasi:

#### **„1.3. Uslovi za upis na studijski program i kriteriji za odabir polaznika**

**Na doktorski studij Biomedicina i zdravstvo se mogu upisati kandidati koji ispunjavaju slijedeće kriterije:**

**1. završen odgovarajući dodiplomski studij iz naučnog područja Biomedicine i zdravstva (doktor medicine, doktor stomatologije i magistar farmacije) sa prosječnom 8, 0 i više**

**ili**

**2. stečen naučni stepen magistra medicinskih nauka**

**Ovim kandidatima se priznaje 60 ECTS i omogućava se upis u II godinu dokorskog studija.**

**Vijeće dokorskog studija može na zahtjev doktorantu priznati određen broj kredita koje je ostvario na postdiplomskom studiju, koji nije uspješno završio odbranom magistarskog rada.**

**Naučno nastavno vijeće Medinskog fakulteta će na prijedlog Vijeća dokorskog studija donijeti odluku o broju kandidata koji će biti upisani na doktorski studij i uputiti prijedlog konkursa Senatu Univerziteta u Tuzli.**

**U slučaju prijave većeg broja kandidata nego što je traženo konkursom, izbor kandidata za upis vrši se u skladu sa kriterijima za rangiranje kandidata. U slučaju jednakog broja bodova utvrđenih u skladu sa kriterijima prednost imaju doktori medicine u odnosu na doktore stomatologije i magistre farmacije.**

**Na osnovu utvrđenih kriterija u Tabeli 1. utvrđuju se rang liste kandidata za upis na doktorski studij, s tim da se na jednoj listi rangiraju magistri medicinskih nauka a na drugoj doktori medicine, doktori stomatologije i magistri farmacije.**

**Tabela1. Elementi prema kojima se odabiru kandidati u prijemnom postupku i njihova bodovna vrijednost:**

	<b>Kriterij</b>	<b>Broj bodova</b>
<b>1.</b>	<b>1. Prosječna ocjena na dodiplomskom/integrisanom prvom i drugom ciklusu studija zaokružena na jednu decimalu pomnožena sa 10</b>	<b>Maksimalno 100</b>
<b>2.</b>	<b>Studij završen u roku (za 6 odnosno 5 akademskih godin) -do okončanja završne akademske godine studija donosi kandidatu 100 bodova. Svaki mjesec (nakon roka) duže od toga iznos se umanjuje za 1 bod</b>	<b>Maksimalno 100</b>
<b>3.</b>	<b>Završena specijalizacija</b>	<b>3 boda</b>
<b>4.</b>	<b>Izbor u saradničko zvanje asistenta na Univerzitetu</b>	<b>5 bodova</b>
<b>5.</b>	<b>Članak objavljen u CC časopisu (prvi autor) 10 bodova</b>	<b>10 bodova</b>
<b>6.</b>	<b>Članak objavljen u CC časopisu (koautor)</b>	<b>3 boda</b>
<b>7.</b>	<b>Članak objavljen na Pubmed-u (prvi autor)</b>	<b>2 boda</b>
<b>8.</b>	<b>Članak objavljen na Pubmed-u (koautor)</b>	<b>1 bod</b>

## Član 2.

U poglavlju 2. Opis programa, podpoglavlje 2.1.1.1. Organizirana nastava, briše se rečenica, koja glasi:

„Izborni kolegiji organiziraju se ako se za slušanje toga kolegija prijavi najmanje 1/3 od ukupnog broja polaznika doktorskog studija.“

## Član 3.

U poglavlju „2.1.2. Uslovi za voditelje kolegija, mentore i nastavnike doktorskog studija“, podpoglavlje 2.1.2.2. Minimalni uslovi za mentora doktorskog kandidatu/studentu:“ se mijenja i glasi:

### „2.1.2.2. Minimalni uslovi za mentora doktorskog kandidatu/studentu:

- **Nastavnik u zvanju vanrednog ili redovnog profesora, član akademije nauka te osoba u zvanju profesor emeritus;**
- **Najmanje jedan autorski naučni rad iz oblasti iz koje se radi disertacija, objavljen u časopisima indeksiranim u međunarodnim bazama (CC, SCIE, SSCI, AHCI, ERIH, ECON LIT, MathSciNet);**
- **Po ukazanoj potrebi mentor može biti redovni/vanredni profesor koji kao autor ima najmanje tri naučna rada iz oblasti na kojoj je mentor, objavljena u drugim relevantnim časopisima.“**

U istom poglavlju, podpoglavlje 2.1.2.3. se mijenja i izmijenjen glasi:

### „2.1.2.3. „Minimalni uslovi za nastavnika na doktorskog studiju:

- **Nastavnik u zvanju redovnog ili vanrednog profesora, odnosno docenta,**
- **Najmanje jedan autorski naučni rad iz oblasti na kojoj se izvodi nastava objavljen u časopisu indeksiranom u međunarodnim naučnim bibliografskim bazama (CC;SCI; SCIE; SSCI,ACHI, ERIH, ECON, LIT),**
- **Po ukazanoj potrebi, nastavnik može biti redovni/vanredni profesor, odnosno docent koji kao autor ima najmanje tri naučna rada iz oblasti na kojoj izvodi nastavu, objavljena u drugom/drugim relevantnom/im časopisu/ima.“**

U istom poglavlju, u podpoglavlju „3.2. Uslovi prijave doktorske disertacije, način završetka doktorskog studija (uslovi za odbranu disertacije)“, predposljednja rečenica se mijenja i sada glasi:

„Pravo na podnošenje zahtjeva za ocjenu i odbranu doktorske disertacije, student doktorskog studija stiče nakon ovjere šestog semestra. Doktorant je dužan dostaviti rednu verziju nevezane doktorske disertacije u četiri primjerka sekretaru Vijeća doktorskog studija.

Uz disertaciju doktorant prilaže saglasnost mentora da se rad stavi u proceduru ocjene kao i dokaz da je objavio ili da mu je prihvaćen najmanje jedan naučni rad iz rezultata doktorske disertacije.

Relevantnim radom smatra se rad objavljen u međunarodnim časopisima indeksiranim u međunarodnim bibliografskim bazama koje su date u Listi indeksnih baza međunarodnih časopisa.“

## Član 4.

U istom poglavlju, podpoglavlje „3.3. Trajanje doktorskog studija“ se mijenja i izmijenjeno glasi:

### „3.3. Trajanje doktorskog studija

**Doktorski studij traje tri studijske godine, odnosno šest semestara i vrednuje se sa 180 ECTS. Student je u obavezi okončati doktorski studij i odbraniti doktorski rad u roku**

od šest godina, računajući od akademske godine u kojoj je upisan na studij „Biomedicina i zdravstvo“. Izuzetno, rok za okončanje doktorskog studija se može produžiti najduže za još jednu akademsku godinu, ako postoje opravdani razlozi za produženje, o čemu odluku donosi NNV Fakulteta.“

#### Član 5.

U poglavlju 4. Institucijsko rukovođenje doktorskim programom, u podpoglavlju 4.1. Prihodi i rashodi doktorskog studija, iza riječi „Univerziteta u Tuzli.“ staviti tačku i **brisati tekst** koji glasi „broj 04-7598-2/15 od 28.12.2015. godine“.

#### Član 6.

Glava 5. Opis programa ostaje nepromijenjena.

#### Član 7.

Ovaj izminejni i dopunjeni Studijski program primjenjivaće se počev od generacije studenata Doktorskog studija „Biomedicina i zdravstvo“ upisanih u prvu godinu Studija akademske 2017/2018. godine.

Izmjene Studijskog programa navedene u članu 3. i 4. primjenjivaće se i na generacije studenata Doktorskog studija upisane na treći ciklus počev od akademske 2012/2013. godine (što je u skladu sa Pravilnikom o III ciklusu-Doktorskom studiju na Univerzitetu u Tuzli od 08.02.2017. godine i Pravilnikom o izmjenama i dopunama Pravilnika od 20.02.2017. godine.